

**UNIVERZITET U SARAJEVU  
POLJOPRIVREDNO-PREHRAMBENI FAKULTET**

Broj: 01-1-1157/18

Sarajevo, 08.06.2018. godine

Na osnovu člana 69. Stav 3, člana 70. Stav 1, 4 i 6., i člana 100 Stav 3 Zakona o javnim nabavkama („Službeni glasnik BiH“ broj: 39/14), člana 95 Statuta Univerziteta, po provedenom postupku za nabavku „Kancelarijskog i potrošnog materijala, toneri, ketridži i riboni“, dekan Fakulteta, donosi

**O D L U K U**

**O PONIŠTENJU POSTUPKA JAVNE NABAVKE**

**I**

*Usvaja se žalba* „LALA I LAĆO“ d.o.o. Bijeljina izjavljena na tendersku dokumentaciju broj: 01-1-979/18 od 25.05.2018. godine

**II**

*Poništava se* postupak javne nabavke koji je pokrenut Odlukom broj: 01-1-937/18 od 16.05.2018. godine za nabavku „Kancelarijskog i potrošnog materija, tonera, ketridža i ribona“, tenderska dokumentacija broj: 01-1-979/18 od 25.05.2018. godine skupa sa Obavještenjem o nabavci broj: 1365-7-1-76-3-4/18 objavljenom na portalu Javnih nabavki dana 25.05.2018. godine i Zapisnikom sa otvaranja ponuda od 05.06.2018. godine, iz razloga koji je izvan kontrole ugovornog organa koji se nisu mogli predvidjeti u vrijeme pokretanja postupka javne nabavke.

**III**

Nakon konačnosti odluke, ugovorni organ će objaviti novo obavještenje za nabavku „Kancelarijskog i potrošnog materijala, tonera, ketridža i ribona“

**IV**

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**V**

Ova odluka objavit će se na web-stranici ugovornog organa ([www.ppf.unsa.ba](http://www.ppf.unsa.ba)) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**VI**

Ova odluka stupa na snagu danom donošenja.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: 01-1-937/18 od 16.05.2018. godine. Postupak javne nabavke proveden je putem konkurentskog zahtjeva za koji je objavljeno obavještenje o nabavci broj: 1365-7-1-76-3-4/18 na Portalu javnih nabavki dana 25.05.2018. godine. Tendersku dokumentaciju je preuzelo 14 (četnaest) ponuđača. Rok za dostavu

ponuda je bio 05.06.2018. godine do 12:00 sati. Do ostavljenog roka primljena je jedna ponuda i to ponuđača „Norin“ d.o.o. Sarajevo, o čemu je sačinjen Zapisnik sa otvaranja ponuda.

Žalbu na tendersku dokumentaciju je izjavio LALA I LAĆO d.o.o. Bijeljina po advokatu Milanu Matiću iz Bijeljine. U žalbi žalitelj navodi da Obrazac za cijenu ponude Aneks 2 Tenderske dokumentacije u kojem su stavke iz obrasca opisane navođenjem određene robne marke bez mogućnosti nudišta ekvivalenta, što je u suprotnosti sa odredbama zakonskih i podzakonskih propisa koji uređuju oblast javnih nabavki. Obrazac za cijenu ponude nije urađen u skladu sa članom 54. Zakona o javnim nabavkama. Također navodi da rok isporuke od dva sata nije u skladu sa Zakonom o javnim nabavkama, da je isti neprecizan i diskriminatorni prema njemu, ali i ostalim ponuđačima čije je sjedište van ugovornog organa. Članom 43. Zakona o javnim nabavkama je definisano da se na rokove koji nisu definisani Zakonom o javnim nabavkama primjenjuju odredbe Zakona o upravnom postupku. Članom 91. stav (1) Zakona o upravnom postupku BiH određuje da se rokovi određuju na dane mjesece i godine.

Ugovorni organ je utvrdio da je žalba blagovremena, dopuštena i izjavljena od ovlaštene osobe.

Žalba je upućena preporučenom poštom dana 05.06.2018. godine u 16:04 sati, koju je ugovorni organ zaprimio dana 08.06.2018. godine pod brojem protokola 470/2018. Uvidom u Izvještaj o preuzimanju tenderske dokumentacije utvrđeno je da je ponuđač LALA I LAĆO d.o.o. Bijeljina preuzeo tendersku dokumentaciju dana 03.06.2018. godine u 12:57 sati.

Žalba je osnovana.

Komisija za javne nabavke je na sastanku održanom dana 12.06.2018. godine razmotrila sve navode iz žalbe, konstatovala da je ista utemeljena i dostavila preporuku da se poništi postupak nabavke i objavi novo obavještenje. Komisija je konstatovala da postoje dokazivi razlozi izvan kontrole ugovornog organa koji se nisu mogli predvidjeti u vrijeme pokretanja javne nabavke.

U postupku je utvrđeno da je komisija u svemu postupila pravilno, te da je preporuka o poništenju postupka nabavke data u skladu sa Zakonom o javnim nabavkama BiH.

D e k a n  
  
Prof. dr Zlatan Sarić



**PRAVNA POUKA:**

Protiv ove odluke može se izjaviti žalba u roku od 5 (pet) dana od dana prijema odluke.

**Dostaviti:**

- Svim ponuđačima koji su preuzeli TD
- Evidencija
- a/a